

Gvangjsih Minzcuz Bau

Guenjbanh: Gvangsiah Bouxcuengh Swcigih Minzcuz Cunghvau Swvu Veijvenzvei Okbanj: Gvangsiah Minzcuz Bause Geiz neix 8 bani
广西民族报 Aenhauh okbanj: CN45-0036 B.2022 Nd.4 Ng.13 Liggaeuq nyaemzyinz nienz ndwensam cibsam Geizsoq: Gungh daih 3519 geiz

2022 Nienz Gvangjsih Gveicouh Yinznanz Huznanz Lajmbanj Saenqhwngh Doxdax Eu Fwen Hainduj

2022 年桂黔滇湘乡村振兴山歌擂台赛启动

4 nyied 8 hauh, “hwnqguh aen gih yienghndei cukmaenh gij eiqsik caezcaemh Cunghvaz Minzcuz ‘seiq aen gyahyenz’ baenzdaug hoz-dung——‘angqcoux ngeihcib daih • haenqguh duenhroen moq’ 2022 nienz Gvangjsih Gveicouh Yinznanz Huznanz lajmbanj saenqhwngh doxdax eu fwen” hainduj. Bineix doxdax eu fwen vahdaez dwg eu Ngeihcib Daih Dangj, lajmbanj saenqhwngh, yangh-fungh vwnzmingz, minzcuz doxgiet daengj, ciucomz fwenvuengz, cangh-fwen daengx Gvangjsih caeuq swngj gih henzgyawj, doenggvaq doujyinh, gwnzmuengx doxdax daengj hingz-sik, sonyinx vunz lai gak minzcuz yungh sing fwen danqhaenh minzcuz doxgiet, caezcauh yaem’ wenq gyaeu-ndei ndwenngoengz vuenyungz.

Vih yinxdawz canghfwen, bouxcyaez fwen Gvangjsih Gveicouh Yinznanz Huznanz seiq swngj(gih) caeuqfaenh, vatcimh vunzcaiz fwen engq lai, baez doxdax neix yungh baenz bang senjleh, youq doujyinh bingzdaiz cauhlaeb “angqcoux ngeihcib daih • haenqguh duenhroen moq” vahdaez, gvangqlangh cam’ au, boq sibinz dinj eu fwen, bouxcyeuqfaenh mbouj hanh nienz-geij, mbouj hanh minzcuz, mbouj hanh vahgangj, mbouj hanh soqvunz, youq 4 nyied 20 hauh doekgonq cungj ndaej douzgauj.

Gwnzmuengx doxdax faen baenz cuj vunzhang, cuj fwenvuengz, cuj bouxcouz nyezrauh sam aen cuj. Seiq swngj(gih) fwenvuengz, canghfwen faen fuksaik, gietsaik song ciengz guh doxdax. Cujyau hopheux vahdaez Ngeihcib Daih Dangj, lajmbanj saenqhwngh, yanghfungh vwnzmingz, minzcuz doxgiet daengj, doenggvaq dangciengz couciem dindh cawjdaez doiq fwen, canghfwen moix cuj dangciengz doiq eu ca mbouj geijlai 10 faen cung, gyoengq bingzvej dangciengz bingz, doeklaeng bingz ok it, ngeih, sam gak daengciengz caeuq ciengj maenhndei geij boux. Lingh-vaih, hozdung lij cingj lauxhangz yozcej mizmingz Gvangjsih caeuq canghfwen maenhndei gak minzcuz, daengz funghcigboq guh hek, lwnh-gangj vwnzva fwen Gvangjsih caeuq gij gojgaeq cingz bonjfaenh caeuq fwen. Doenggvaq doenghgij neix, langhbaiz gij yinxdaeuz vwnzva haw-fwen “Sam Nyied Sam Bouxcuengh” hawj vunz lai yawj, yienh’ ok seizneix Gvangjsih Gveicouh Yinznanz Huznanz seiq swngj (gih) vwnzva fwen gak minzcuz doxyau doxyungz, bangrengz gunghan gij binjbaiz vwnzva “fwen Liuz Sanhcej”, ciengqgok aen cawj-daez “cukmaenh gij eiqsik caez-caemh Cunghvaz Minzcuz, angqcoux Ngeihcib Daih Dangj hai ndaej baenz”.

(Ciengj Linz)

Liujcough:

Bae Ndawhag Son Dajsiuq

柳州：刺绣培训进校园

Mboengqneix, Liujcough Si Yungzsuij Myauzcuz Swciyen guh hozdung bae ndawhag son dinfwngz dajsiuq Myauzcuz, 38 boux hagseng Daih’ it Siujyoz aen yienh neix camgya hag dajsiuq. Ciuq cam rox, aen yienh neix guh hozdung dinfwngz minzcuz haeuj hagdangz, hawj saedcej ndawhag bienq lai, hawj hagseng roxnaj, swnjcienz caeuq hwngfat dinfwngz siujsoq minzcuz dangdieg, baujhoh feihvuzciz vwnzva yizcanj.

(Liu Swjyenh ingj)



Hozciz: Doidoengh Minzcuz Doxgiet Fatyiengz Minzcuz Vwnzva

河池：推动民族团结 弘扬民族文化

Mboengqneix, Duh’ anh Yauzcuz Swciyen Anhyanz Siujyoz daengj 20 lai aen hagdangz guh doxdax gangj gojgaeq coicaenh minzcuz doxgiet hwngfat nyauznyauz. Mboengq “Sam Nyied Sam Bouxcuengh”, Hozciz gak yienh gih au minzcuz doxgiet cawj-daez gyauryz yungzhaeuj doenghgij hozdung angqgvaq “Sam Nyied Sam Bouxcuengh” bae. Neix dwg dingz banhfap Hozciz Si doidoengh hozdung cauhlaeb minzcuz doxgiet cinbu.

Geij bi neix daeuj, Hozciz Si ca ndei hong minzcuz doxgiet cinbu, mboujduenh cuknet gij giekdaej doxgaiq, giekdaej sevei caeuq giek-guh hong cauhlaeb minzcuz doxgiet cinbu, gaq giuz hawj gak minzcuz doxgap doxyau, cuknet gij giekdaej sevei cukmaenh gij eiqsik caezcaemh Cunghvaz Minzcuz. Aen si neix guh aen gunghcwngz “cib bak” cauhlaeb minzcuz doxgiet cinbu, ca ndei senhconz gyauryz minzcuz doxgiet cinbu. 2021 nienz doxdaeuj, 72 aen danhvei ndaej ancoh baenz aen danhvei yienghndei minzcuz doxgiet cinbu si gaep, beij bigonq demmaj 166%, 2 aen danhvei ndaej ancoh baenz dieggoek gyauryz minzcuz doxgiet cinbu swcigih daihseiq buek, Ginhcwngzgyangh Gih Daihhaj Siujyoz bauq ndaej aen hagdangz yienghndei minzcuz doxgiet cinbu daengx guet.

Hozciz Si laebdaeb doidoengh baujhoh swnjcienz caeuq cauhmoq hwngfat minzcuz vwnzva, doicaenh hwnqguh aen gyaranz caezcaemh Cunghvaz Minzcuz, cuknet gij giek-daej swhsiengh gij caezcaemh Cunghvaz Minzcuz. Aen si neix gyalai rengz baujhoh hwngfat minzcuz vwnzva yizcanj caeuq hozdung angqhoh ngoenzciet, geij bi neix daeuj daengx si cauh’ ok heiq, diuqfoux, siujbinj, sawveh daengj cozbij vwnzyi maenhndei 260 lai aen.

(Liuz Ginglingz Veiz Dunghcwngz)